

# Акафист Пресвятой Богородице в честь иконы Ее «Серафимо-Дивеевская» (новая редакция)

---

22 октября 2016 г. 02:03

Текст акафиста одобрен на заседании Священного Синода от 21 октября 2016 года (журнал № 96).

## Акафист Пресвятой Богородице в честь иконы Ее «Серафимо-Дивеевская» (новая редакция)

### АКАФИСТ

Пресвятѣй Владѣчице на́шей Богоро́дице в честь святы́я ико́ны Ея́  
Умиле́ние

[из рукописных акафистников Серафимо-Дивеевского монастыря]

#### Конда́к 1

Избра́нней от всех родо́в Бо́жией Ма́тери и Цари́це, умиле́нно моля́щейся за ны ко Го́споду и о́браз Умиле́ния Своего́ нам дарова́вшей ми́лостиво, похва́льное пе́ние и моле́ние прино́сим Ти, Богоро́дице. Ты же, я́ко Всеми́лостивая на́ша Засту́пница и Всеблага́я Помо́щница, от вся́ких бед нас изба́ви, да зове́м Ти: Ра́дуйся, Владѣчице, Ра́досте, Умиле́ние и Спасе́ние душ на́ших.

#### И́кос 1

А́нгел земны́й и челове́к Небе́сный, преподо́бный ста́рец Серафим ико́ну Твою́ святу́ю, Богоро́дице Де́во, я́ко драгоценное сокро́вище в сво́ей кѣлли стяжа́ и пред нею́ усердныя моли́твы Тебе́ принося́, Всепе́тая, во вся дни подви́жническаго жити́я своего́ благоумиле́нно, Ра́достью всех ра́достей Тя наименова́, си́це Тебе́ взыва́я:

Ра́дуйся, обра́довавшая па́дшее челове́чество всесвяты́м Твои́м Рожде́ством; ра́дуйся, Спаси́теля ми́ру нетле́нно ро́ждшая и де́вство сохра́няшая предивно.

Ра́дуйся, Ма́ти и Де́во преблагослове́нная;

ра́дуйся, Богоро́дице препросла́вленная.

Ра́дуйся, пала́то Бо́га Сло́ва прекра́сная;

ра́дуйся, светно́сная ло́жнице Царя́ царей.

Ра́дуйся, проро́ческих глаго́лов сбыти́е прине́сшая;

ра́дуйся, апо́стольския про́поведи кре́пкое вспомо́жение.

Ра́дуйся, преподо́бных похвало́ и дев велича́ние;

ра́дуйся, челове́ческаго ро́да возвыше́ние.

Ра́дуйся, скорбя́щих утеше́ние;

ра́дуйся, боля́щих исцеле́ние.

Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 2

Ви́дев себе́ боле́знию зельною одержи́ма, блаже́нный Серафи́м усердно моля́ше Тя, Богоро́дице Де́во, о по́мощи и исцеле́нии, и се́, а́бие предста́ла еси́ ему́ во све́те Небе́сном со апосто́лома [двойственное число] Петро́м и Иоа́нном Богосло́вом и, ре́кши: «Сей от ро́да На́шего есть», исцеле́ние ско́ро ему́ дарова́ла еси́, да поёт немол́чно Сы́ну Твоему́ и Бо́гу хвалёбную песнь: Аллилу́иа.

### И́кос 2

Разуме́в своё исцеле́ние, Твои́м посеще́нием благода́тным соверши́вшееся, блаже́нный Серафи́м прославля́ше, Богоро́дице, ве́лию к нему́ Твою́ ми́лость, ико́ну же святу́ю, благоговейно́ почита́ше и сию́ благода́ти прича́стну именоваше́, ейже́ и мы ны́не покланя́ющиеся, си́це Тебе́ зове́м:

Ра́дуйся, обра́довавшая избра́нника Бо́жия Твои́м посеще́нием;

ра́дуйся, в недúзе исцеле́ние ему́ пода́вшая скоропредста́тельно.

Ра́дуйся, при́сным Своему́ ро́ду ми́лостиво его́ наре́кшая;

ра́дуйся, открове́нии Божество́нными его́ просвети́вшая.

Ра́дуйся, в тече́ние жи́зни его́ многократи́ ему́ явля́вшаяся;

ра́дуйся, на по́двиги поста́ и моли́твы невидимо́ его́ укрепля́вшая.

Ра́дуйся, в пустынножи́тии и затво́ре сла́дкая его́ Собесе́днице;

ра́дуйся, от враг ви́димых и невидимых держа́вная его́ Засту́пнице.

Ра́дуйся, и нам грешным явля́ющая от ико́ны Твоея́ мно́гия ми́лости и щедро́ты;

ра́дуйся, и нас недостойных не лишáющая Твои́х благодея́ний благода́тных.

Ра́дуйся, недúги на́ша врачующая́ безме́дно;

ра́дуйся, печа́ли на́ша утоля́ющая радостотво́рно.

Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 3

Си́ла Бо́жия де́йствоваше́ чрез святу́ю ико́ну Твою́, Умиле́ние имену́емую, Богоро́дице Пречи́стая, егда́ сия́ в кел́лии преподо́бнаго Серафи́ма пребываше́ и исцеле́ния ве́рным источаше́, и́же отовсю́ду к нему́ приходя́ху и от Тебе́ мно́гия да́ры благода́тныя уллуча́ху, благодарно́ пою́ще Бо́гу: Аллилу́иа.

### И́кос 3

Имея веру и любовь к Тебе, Богородице, преподобный Серафим по Бозе всю надежду свою на Тя возлагаше, иконе же Твоей святой благоговейно почиташе, свещи и елей пред нею возжигая и тепло моляся Тебе, да будешь ему Помощница во спасение. О сем и мы Тя молим, Преплагая, и со усердием поем:

Радуйся, свеще всемирная, мрак языческий просветившая Светом Христовым;

радуйся, стапно всезлатая, в нейже уготовася Хлеб Небесный.

Радуйся, деннице Солнца правды;

радуйся, заре не вечерняя безсмертная жизни.

Радуйся, падшаго человеческого естества обновление;

радуйся, древняя вражды разрушение.

Радуйся, радостное святых созерцание;

Радуйся, сладосте, усладившая горечь греховную.

Радуйся, облаче, росу спасительную источивый;

радуйся, алавастре, мира Божественного полный.

Радуйся, окамененных сердец умягчение;

радуйся, веры и благочестия возвращение.

Радуйся, Владычице, Радосте, Умилении и Спасении душ наших.

#### Кондак 4

Буря греховная избежати и в тихое пристанище покаяния прийти помози нам, Пречистая Дево, Искупителя и Спасителя душ наших рождающая и Матернее дерзновение к Немужимущая; прости к Немужбогоснеи Твоей руке и умоли Его благость вся ны помиловать и спасти, да благодарне поем Ему о Тебе славословия песнь: Аллилуиа.

#### Икос 4

Слышавше о премногих чудесах Твоих, Богородице Дево, от иконы Твоей святая явленных и присноявляемых верным, радуемся мы грешнии, яко даровала еси нам таковой благодатный залог Твоего к нам благоволения, Всеблагая, и от радостных и благодарных устен сицевое приносим Ти пение:

Радуйся, обитель дев под Матерний покров Твой милостиво приемшая;

радуйся, обитель малую и убогую распространившая и духовно обогатившая.

Радуйся, обетование Твое, праведному Серафиму о ней изреченное, верно исполнившая;

радуйся, иконою Твоею пребывать в ней изволившая.

Радуйся, надежда наша пресвятая;

радуйся, Мати наша преблагая.

Радуйся, добрая Младопитательнице девам;

радуйся, вдов и сирот Попечительнице благомилостивая.

Радуйся, заступление наше от врагов невидимых;

ра́дуйся, Помощнице наша в нечаянных бедах.

Ра́дуйся, стено́, огражда́ющая нас от грехо́вных собла́знов ми́ра;

ра́дуйся, Покро́ве, покрыва́яй всех, к Тебе притекающих.

Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 5

Боготечная звезда́, свята́я ико́на Твоя́, Богородице Де́во, лучи́ Божия благода́ти невидимо испу́щает и ду́ши ве́рных озаря́ет. Сию́ и мы с ве́рою и благоговением лобыза́юще, в ско́рбех утеше́ние, в боле́знях врачество́ безме́здное от Тебе́, Влады́чице, прие́млем, и славосло́вяще многопе́тое и преблагослове́нное имя Твое́, ра́достно поём Бо́гу: Аллилу́иа.

### Йкос 5

Ви́дев Тя, Богородице, преподо́бный Серафим в пресла́вный день Благовеще́ния, прише́дшую к нему́ в смире́нную его́ келлию со А́нгелы, Предте́чею, Богосло́вом и ли́ком святы́х дев, ра́дости премы́рная испо́лнися, и сия́ше лице́ его́ ста́рческое красо́тою Небе́сною. Ты же, сла́вою Божество́нною его́ озаря́ющи, ми́лостиво бесе́довала еси́ с ним, я́коже со дру́гом присным, обетова́нии благими́ возвеселя́ющи ду́шу его́ и си́ми подви́заящи нас вопи́ти Тебе́:

Ра́дуйся, обра́дованная Присноде́во;

ра́дуйся, Невесто́ неневестная.

Ра́дуйся, Цари́це го́рних и до́льных;

ра́дуйся, Предводи́тельнице де́вственных ликостоя́ний.

Ра́дуйся, от Небе́сных вы́сот посеща́ющая земноро́дных;

ра́дуйся, явля́ющая лице́ Твое́ пречи́стое избра́нником Божи́им.

Ра́дуйся, ли́ки святы́х спутешество́ующия Тебе́ имевшая;

ра́дуйся, собо́р святы́х дев с Собо́ю приве́дшая.

Ра́дуйся, де́ве смире́нней и трепещу́щей явле́ния Твоего́ сла́ву показавшая;

ра́дуйся, бесе́ды Твоея́ Божество́нныя ту удосто́ившая.

Ра́дуйся, ста́рца Серафима́ посеще́нием Твои́м облагодатствовавшая;

ра́дуйся, с ним и вся ны́ духо́вно возвесели́вшая.

Ра́дуйся, Влады́чице, Ра́досте, Умиле́ние и Спасе́ние душ на́ших.

### Конда́к 6

Пропове́дуемо и вездé похваля́емо есть от ве́рных посеще́ние Твое́, Ма́ти Божия, его́же преподо́бнаго Серафима́ сподо́била еси́. Си́е посеще́ние Твое́ всеблагое́ и мы днесь благоговейно́ воспомина́юще, благодарственные́ пёсны Тебе́ прино́сим, Пречи́стая, и хвале́бно восклица́ем Сы́ну Твоему́ и Бо́гу: Аллилу́иа.

### Йкос 6

Возсия сияние славы Небесная в смиренной келлии преподобного Серафима, егда от Горних высот пришла еси, Богородице, с ликом святых того посетити. Сего же не терпящи зрети, дева сотайница Божественного видения ниц паде на землю, но милостиво ту воздвигла еси, Владычице, и премилостивыя глаголы Твоя ей прорекла еси. Таковому благоснизхождению Твоему дивящися, с любовью и благоговением Тебе вопием:

Радуйся, Дево всеблагая, девство похвалившая деве земней;  
радуйся, венец Царствия Небеснаго ей обещающая за верность Жениху Христу.

Радуйся, Ангелы чтимая и певаемая от Херувим;

радуйся, Архангелы окружаемая и славимая от Серафим.

Радуйся, Предтечу, Богослова и лик святых дев с Тобю в явлении чудесно показавшая;

радуйся, в явлении Твоем обетования благая избраннику Божию даровавшая.

Радуйся, сбытием обетований Твоих истину явления Твоего засвидетельствовавшая;

радуйся, наше похвало и утверждение.

Радуйся, обителей иноческих милостивое попечение и призрение;

радуйся, Церкви Христовы Божественная лепота.

Радуйся, постников и преподобных тайное утешение;

радуйся, христианскаго рода непостыдное упование.

Радуйся, Владычице, Радосте, Умилении и Спасении душ наших.

### Кондак 7

Хотящим нам, Владычице, лобызати святую и всечестную Твою икону, не возбрані нам сие грехов ради наших, и яко многоблагодарная Мати милостиваго Бога, не возгнушайся наших нечистых устен, но прими нас милостиво, припадающих к Тебе с любовью, дары благодатныя щедро нам подавающи от многочисленнаго Твоего образа, да зовем со умилением Триединому Богу: Аллилуиа.

### Икос 7

Дивно и свято скончатиася благоволила еси, Владычице, избраннику Твоему, блаженному Серафиму: той бо коленапреклоненный на молитве пред иконою Твоею святою предаде праведную душу свою в руке Божии, и отиде от земных на горняя, созерцати славу Твою Небесную и вину зрети Тя, Царице Ангелов, Юже мы земнии немолчно ублажаем и поем Ти радостно:

Радуйся, мира Горняго первейшее украшение;

радуйся, мира дольняго всекрепкое ограждение.

Радуйся, от Небеснаго всесвятаго Твоего жилища приникающая к земнородным;

ра́дуйся, от оби́телей Го́рних снизходя́щая в юдо́ль на́шу многоско́рбную и многогрехо́вную.

Ра́дуйся, отира́ющая слéзы от очéс пла́чущих и печа́льных;  
ра́дуйся, влива́ющая отра́ду и утеше́ние в сердца́ огорче́нных.

Ра́дуйся, вдови́ц неиму́щих некра́домое бога́тство;

ра́дуйся, безма́терних сирот призре́ние и покро́ве.

Ра́дуйся, иноков Помо́щнице всеизря́дная;

ра́дуйся, инокинь Предста́тельница всесвята́я.

Ра́дуйся, целому́дрия христиа́нского нача́ло и основа́ние;

ра́дуйся, де́вства пречу́дная красото́.

Ра́дуйся, Влады́чице, Ра́досте, Умили́ение и Спасе́ние душ на́ших.

### Конда́к 8

Стра́нно есть ви́дети, ка́ко ико́на Твоя́ свята́я, Богоро́дице Де́во, си́лою Бо́жиею благода́ти преисполня́ется и дивна́я чудеса́ источа́ет благоволе́нием Твои́м, Всеблага́я. Сию́ и мы стяжа́вше во утеше́ние и цельбу́, благода́рственно Тя сла́вим, Влады́чице Пречи́стая, и поём Ро́ждшемуся от Тебе́ Бо́гу Сло́ву А́нгельскую песнь: Аллилу́иа.

### И́кос 8

Вся до́брая и поле́зная да́руеши нам, Богоро́дице, от всечестна́го и многочуде́снаго Твоего́ о́браза: умиля́еши ду́ши на́ша и врачу́еши болéзни на́ша, я́ко вои́стину многобла́гоутро́бная Ма́ти ча́д Твои́х, о Христе́ Бо́же. Те́мже по достоя́нию блажи́ма еси́ от нас благохва́лении тако́выми:

Ра́дуйся, от восто́ка и до за́пада сла́вимая и превозно́симая;

ра́дуйся, от всех христиа́нских родо́в пева́емая и блажи́мая.

Ра́дуйся, душеполе́зных даро́в Пода́тельница незави́стная;

ра́дуйся, душе́вных и телесных недуг Целите́льнице благода́тная.

Ра́дуйся, безнаде́жных наде́ждо;

ра́дуйся, огорче́нных отра́до.

Ра́дуйся, гони́мых прибéжище;

ра́дуйся, ве́рных кре́пкое заступле́ние.

Ра́дуйся, неверных обра́щение;

ра́дуйся, чуде́сы Твои́ми всех удивля́ющая.

Ра́дуйся, ми́лостью Твое́ю нас посеща́ющая;

ра́дуйся, преи́скренне спасти́ся всем хотя́щая.

Ра́дуйся, Влады́чице, Ра́досте, Умили́ение и Спасе́ние душ на́ших.

### Конда́к 9

Вси ро́ди христиа́нстии имут Тя, Влады́чице, Помо́щницу, изря́дную: я́коже бо обеща́ла еси́ во всечестне́м Твое́м Успе́нии не оста́вити нас си́рых и беспомо́щных, та́ко и до днесь си́е обетова́ние всеблагое́ исполня́еши в Це́ркви

Христове на земли, Богородице Дѣво, ущедряюще и спасающе люди, верно Тя славящия и православно поющия Бѣгу: Аллилуиа.

### Икос 9

Ветийство человеческое не может изрещи обилие щедрот и милостей Твоих, Мати Божия, славити же Тя по достоянию недоумевают умы безплотнии, обаче Благая сущи, не возгнушайся и наших недостойных похвал, ихже любовию Тебе приносим и дерзаем воспевати Тя сице:

Радуйся, луно полная, ночь грехов наших просвещающая;  
радуйся, крепким сиянием Твоим мглу страстей наших разгоняющая.  
Радуйся, Путеводительнице заблуждших;  
радуйся, Вразумительнице буйих.  
Радуйся, юных Наставнице целомудрия;  
радуйся, девства покрове и ограждение.  
Радуйся, обитель дев благоустроившая пречудно;  
радуйся, являшая ей Твое благоволение образом Своим всечестным.  
Радуйся, уповающим на Тя конец благий дарующая;  
радуйся, любящая и чтущая Тя непосрамляющая.  
Радуйся, едина добрая и благословенная в женах;  
радуйся, едина чистая и непорочная Приснодево,  
Радуйся, Владычице, Радосте, Умилении и Спасении душ наших.

### Кондак 10

Спасителю Бѣгу плоть взаимодейшая, нетленная и пречистая Мати Божия, очисти нас, оскверненных грехи многими, иссопом молитв Твоих святых, в целомудрии и чистоте утверди и сподоби богоугодно и праведно препроводити житие сие земное, да благоугодивше Христу Бѣгу, унаследуем Царствие Его Небесное и со святыми воспоем Ему победную песнь: Аллилуиа.

### Икос 10

Стена еси девам, Богородице Дѣво, и всем душам христианским, уневѣстившимся Небесному Жениху, яже в треволнении страстей обретают всегда крепкую Твою помощь. Молим Тя, Всеблагая, не попусти и нам грешным погибнути во благе страстей, но простри нам державную десницу Твою и возстави нас на покаяние и целомудренное житие, да благодарно Тебе зовем:

Радуйся, пристанище тихое пловцем житейскаго моря;  
радуйся, прибежище благоотитное утомленным бурей страстей.  
Радуйся, Споручнице покаяния грешных;  
радуйся, кающихся с Богом примирение.  
Радуйся, Судий праведнаго известное умоление;  
радуйся, всежелательное и вселадкое святых утешение.  
Радуйся, Горних Ангельских воинств удивление;



ра́дуйся, мученических светлых полков непрестающее величание.  
Ра́дуйся, праведных жен всевеселяющее радование;  
ра́дуйся, дев святых вѣнче.  
Ра́дуйся, преподобных многопѣтая славо.  
ра́дуйся, святителей в правей вере укрепление.  
Ра́дуйся, Владычице, Радосте, Умилении и Спасении душ наших.

### Конда́к 11

Пе́ние хвалебное приносим Ти, Богородице Пречистая, святою и  
многочудесною иконою Твоею осеняеми и молитвами старца Серафима  
укрепляеми. О державном же заступлении Твоем радуешься, вопиём Богу:  
Аллилу́иа.

### И́кос 11

Светлыми лучами чудес Твоих, Богомати Владычице, озаряеши мрачныя  
наша души среди суевѣрия и невѣрия наших дней. Зряще же милости и щедроты  
Твоя, от иконы Твоея нам источаемыя, Всеблагая, и припадающе к ней, сиче  
Тебе вопиём:

Ра́дуйся, Православия утверждение;  
ра́дуйся, веры Христова распространение.  
Ра́дуйся, ересей и расколов посрамление;  
ра́дуйся, невѣрия искоренение.  
Ра́дуйся, чудесы Твоими верныя утешающая;  
ра́дуйся, милосердием Твоим грешники не оставляющая.  
Ра́дуйся, в час кончины уповающим на Тя помогающая;  
ра́дуйся, любящим Тя любовью святою воздающая.  
Ра́дуйся, в скорбех и бедах на помощь ускоряющая;  
ра́дуйся, болезни неисцельныя врачующая.  
Ра́дуйся, скоропослушливая к молитвам смиренным;  
ра́дуйся, прошения благая предваряющая исполнением.  
Ра́дуйся, Владычице, Радосте, Умилении и Спасении душ наших.

### Конда́к 12

Благодать Божия от иконы Твоея, Богородице Дево, сущи, исходящая  
осеняет обитель дев, избранником Твоим Серафимом собранную и устроенную  
дobre. Сию икону Твою, яко залог благоволения Твоего, дивно стяжавше,  
славим и величаем Тя, Владычице премилостивая, и рабски вопиём всех Творцу:  
Аллилу́иа.

### И́кос 12

Поюще милосердие Твое неисчетное и многая Твоя чудеса, Дево Всепѣтая,  
радуемся мы грешнии, зряще на иконе лик Твой святой, умиления



преисполненный, иже и в наша души умиление вливает и к молитвам усердным нас привлекает, да сие Тебе взываем:

Радуйся, Ниво неоранная, Клас спасительный человеком израстившая;  
радуйся, Лестнице Небесная, Еюже сниде Бог.

Радуйся, Горо несекомая, усиренная Духом Святым;

радуйся, Скиние селения Вышняго.

Радуйся, Святая Святых превосходящая;

радуйся, Клеще таинственная, угли Божества неопально приемшая.

Радуйся, хладная сердца наша любовьию ко Господу воспламеняющая;

радуйся, нечистоту душ наших благодатию очищающая.

Радуйся, на подвиги духовныя невидимо нас укрепляющая;

радуйся, исполнати веления Христовы нам помогающая.

Радуйся, душевредныя навьки в нас искоряющая.

радуйся, страсти душетленные поपालяющая.

Радуйся, Владычице, Радосте, Умилении и Спасении душ наших.

### Кондак 13

О Всепетая Мати! О Царице всемилостивая! Богородице Всеблагая! Умоли Сына Твоего, Христа Бога нашего, избавити нас геенны огненной и сподобити спасенных части, да со избранными воспоём Ему во веки: Аллилуиа.

Сей кондак глаголи трижды. По сем икос 1 и кондак 1.

### Молитва

О Пресвятая Дево Богородице, Христа Царя и Бога нашего Мати, умиления Сокровище и милости Источнице, душеспасительных даров благая Подательнице и скорбящих душ благодатная Утешительнице! К Тебе с любовью припадаем и пред святою иконою Твоею смиренно молимся: умоли, Владычице, возлюбленного Сына Твоего, Христа Бога нашего, помилovati и спасти нас, погибающих во гресех; вдохни в души наша покаяние искреннее и умиление богоугодное, подаждь молитвам нашим слезы очистительныя; благопотребная житию временному и вечному спасению милостиво, Госпоже, нам даруй; мир умири, святыи храм сей [или: святою обитель сию] добре сохрани, безмятежие и изобилие плодов земных нам низпосли, и при кончине живота нашего не лиши нас Матерняго Твоего заступления и помощи, да предстательством Твоим безбедно преидем мытарства воздушная и сподобимся унаследовати Царствие Небесное. Ей, Царице Всеблагая, всех радостей Радосте и всего мира христианскаго утешение! Помози нам и ныне, и егда наипаче помощи Твоя святая востребуем, и спаси нас Матерними молитвами Твоими ко Христу Богу, Емуже со Отцем и Святым Духом подобает всякая слава, честь и поклонение ныне и присно, и во веки веков. Аминь.

